


時方妙用

福建中医学院图书馆

地址：福州市模兜



時方妙用目錄

卷一

望色

聞聲

問症

切脉

中風

虛勞

卷二

腫症

腫症單症

脹症

噎隔

反胃

食

咳嗽

喘促

哮喘

心腹諸痛

痛風

痺

腰痛

卷三

血症

癩狂癇

消渴

傷食

瘡疾

痢疾

時疫

暑症

濕病

頭痛

癩癰

眩暈

眼目

耳聾

疝氣

痿

泄瀉

卷四

鶴膝風

脚氣

積聚

嘔吐噦

五淋瘕閉

遺精


赤白濁

汗症自汗盜汗

怔忡驚悸健忘治月

婦人科

傷寒科



時方妙用卷二

閩吳航陳念祖修園甫著

男元豹道彪古愚全校字

腫腫者皮膚腫大也。脹者心腹脹滿也。

之。盛。脹。或。心。腹。脹。滿。而。曰。肢。瘦。小。音。人。謂。如。鼓。昔。人。謂。之。臑。脹。茲。分。為。二。門。

腫症從來有氣腫水腫之辨。內經以按之膏

而不起者為氣。即起者為水。後醫多反其說。

然氣滯水亦滯。水行氣亦行。正不必分。總以

不起為腫甚。即起為腫輕。腎囊反莖中腫大
多死。

脉本沉。若浮而弦宜發汗。若浮而數

指有力宜越脾湯。若浮在皮外多死。

若沉而緊宜麻黃細辛附子之類。若沉

而緩易愈。若沉而微細宜溫補。

初起面上微腫。兩目下名卧蚕更腫。此一身

覺重滯微喘。小便不利。即腫症之漸。宜

香薷飲。加杏仁防風各三錢。五三

如皮膚腫大氣喘小便不利宜

五皮飲。上腫宜發汗。加薤葉防風杏仁各
三錢。下腫宜利水。加猪苓防已各二錢。木
通一錢。小水多為陰水。加附子乾薑各二
錢。白朮三錢。川椒木香各一錢。小便不利
為陽水。加防已猪苓知母各二錢。凡脉虛
人羸。宜加白朮人參肉桂附子。脉寔人健。

加萊菔子枳殼各二錢。凡畏風之甚宜加
生黃芪三四錢。或再加附子二錢。

如小便點滴俱無。氣喘口不渴。宜

滋腎丸。

四九

如前藥不效。宜用濟生腎氣丸藥料作湯服。
或前症愈後。亦以此丸服一月收功。

濟生加減腎氣丸。

一百
卷三

如服利水之藥。而小便愈少者。宜

補中益氣湯。首煎照常服。二煎服後。以手

指探吐五

愚按水腫病淺者。照上法治之。愈矣。深者必
遵金匱五水而治之。余著有金匱淺註。頗有
發明。風水由於外邪。法宜發汗。皮水者。外邪
已去。經而入皮。故不惡風。病在皮間。故內不
脹。而外如鼓。皮病不涉于內。故口不渴。然水
在于皮。亦必從汗以泄之也。石水病在臍下。

陰邪多沉于下。法用麻黃附子甘草湯。重在
附子以破陰也。黃汗者外邪傷心。鬱熱成黃。
胸滿四肢頭面俱腫。病在于上。法用桂枝湯
加黃芪。啜熱粥以取微汗。重在桂枝以化氣。
尤賴啜粥取汗以發。內外交鬱之邪也。唯正
水一症。正內經所謂三陰結。謂之水症。結則
脉沉。水屬陰。則脉遲。三陰結。則下焦陰氣不
復與胸中之陽相調。水氣格陽。則為喘。其目

巢如蚕。一身盡腫。可知金匱之論甚精。徐忠
可之註甚妙。試節錄之。金匱云。寸口脉浮而
遲。浮脉則熱。遲脉則潛熱。潛相搏。名曰沉。跌
陽脉浮而數。浮脉即熱。數脉即止。熱止相搏。
名曰伏。沉伏相搏。名曰水。沉則脉絡虛。伏則
小便難。虛難相搏。水走皮膚。即為水矣。徐忠
可註云。此段論正水之由也。謂人身中徒運
不息。所以成雲行雨施之用。故人之汗以失。

地之兩名之人之氣以天地之疾風名之寸
口脉主上猶之天道必下濟而光明故曰陰
生于陽跌陽脉主下猶之地軸必上出而旋
運故曰衛氣起于下焦今寸口脉浮而滯浮
主熱乃又見遲遲者元氣潛于下也既見熱
脉又見潛脉是熱為虛熱而潛為真潛故曰
熱潛相搏名曰沉言其所下濟之元氣沉而
不復舉也今跌陽脉浮而數浮主熱乃又見

數數者衛氣止于下也。既見熱脈又見止脈。是於客氣為熱而真氣為止。故曰熱止相搏。名曰伏。言其宜上出之衛氣伏而不能升也。從上而下者不返而終沉。從下而上者停止而久伏。則旋運之氣幾乎熄矣。熄則陰水乘之。故曰沉伏相搏。名曰水。見非止客水也。又恐人之不明乎沉伏之義。故又曰絡脈者陰精陽氣所往來也。寸口陽氣沉而在下則絡

脉虛小便者水道之所從出也。跌陽真氣上
而在下。氣有餘即是火。火熱甚則小便難。于
是上不能運其水。水下不能出其水。又焉能禁
水之胡行亂走耶。故曰虛難相搏。水走皮膚。
即為水矣。水者即身中之陰氣。合水飲而橫
溢也。沉伏二義俱於浮脉見之。非真明天地
升降陰陽之道者。其能道隻字耶。此仲景所
以為萬世師也。徐忠可此註妙不可言。獨惜

仲景不立方。忠可又不補。出應用何方。致世
之患此者。或死子庸醫之舟車九神佑丸。疏
鑿飲子等方。或死子明醫之實脾飲濟生腎
氣丸。補中益氣湯。導水茯苓湯等方。以擬與
及。余不忍坐視而不救。故擬方于後。

消水聖愈湯。治水第一方。然必兩手脉浮
而遲。足趺陽脉浮而數。診法丝毫不錯。一
服即驗。五服全愈。否則不可輕用此秘方。

也。大道無私。方不宜秘。然黃帝有蘭臺之
藏。長桑有無泄之戒者。一恐輕試之。誤一
恐洩天地之機也。余出此方。以俟一隅之
反。非謂一方可以統治斯病也。

天雄一錢 牡桂二錢 細辛一錢 麻黃一錢

甘草一錢 生薑二錢 大棗二枚 知母三錢

水二杯半。先煎麻黃。吹去沫。次入諸藥。煮
八分服。日夜作三服。當汗出如蟲行皮中。

即愈。○水盛者加防已二錢。

天雄補上焦之陽而下行入腎。猶天道下
濟而光明。而又恐下濟之氣潛而不返。故
取細辛之一莖直上者以舉之。牡桂煖下
焦之水而上通於心。猶地軸之上出而旋
運。而又恐其上出之氣止而不上。故取麻
黃之走而不守者以鼓之。人身小天地。唯
健運不息。所以有雲行雨施之用。若潛而不

返則氣不外濡而絡脉虛故用薑棗甘草
化氣生液以補絡脉若止而不上則氣乘
為火而小便難故以知母滋陰化陽以通
小便耳知母治腫出之神農本草經而金
匱治歷節風脚腫如脫與麻黃附子並用
可以比例而明也此方即仲景桂枝薑棗
麻辛附子湯加知母一味主治向殊可知
經方之變化如龍也

一野老某年八旬有奇。傳予奇方。用生金櫻
根。去粗皮。一兩半。吳風草三錢。香菌極小
團結者七枚。水煎服。一服小便即通。而腫
愈。○余細繹此方。極妙。麻黃大發汗。而根
又能止汗。橘肉生痰壅氣。而皮又能化痰。
順氣。蠶因風而致殭。反能驅風。如神。此大
開大闔之道。金櫻子之大澀。小便即可悟。
其根之大通。小便矣。吳風草原名鹿啣草。

能除濕熱。故素問與澤瀉白朮同用以治
酒風。更妙是小香茵一味。此物本濕熱所
化。用之于除濕祛熱。隆中同氣相感。引藥
力。至於病所。而諸藥之性一發。則濕熱無
餘地。以自藏。俱從小便而下矣。此必異人
所授遺下。所謂禮失而求諸野也。惜余未
試。

心腹脹滿甚者宜

脹

此症與腫症相因者宜以治腫之法治之或內脹而外不腫者治法稍異

平胃散為主氣鬱加麥芽香附各二錢傷食者加萊菔子山查乾薑傷酒加薑葛三錢砂仁一錢痰多加茯苓三四錢多嘔加半夏生薑各三錢脘上脉不橫通而脹加木通茵草麥冬枯萋貝母濁氣在上加柴胡半夏桔梗心下痞滿加黃連黃芩各一

錢乾薑八分。腹痛加生白芍三錢。腹痛因
大便不通者，再加大黃二錢。小便不通，合
五苓散。若貼臍，左右上下脹者，脹必兼痛。
為衝脉逆而不舒，去蒼朮，加紅花、歸芍、柴
桂治之。若季脇兩旁，兼小腹脹痛者，乃厥
陰內不交于少陰，外不合于少陽，加柴胡、
人參、半夏、桂枝、當歸治之。入寸
腹脹喜按者，宜後四方。

附子理中湯

一百

○ 虛寒

補中益氣湯

五

○ 脾土失職
地氣不升

六君子湯加乾薑

二

○ 脾虛
多腹脹

香砂六君子湯

三

愚按已上諸法治而不應者必以膀胱為主

喻嘉言云人身胸中空曠如太虛地氣上而

為雲必天氣降而為雨地氣始收藏不動誠

會上焦如霧中焦如漚下焦如瀆之意則雲

行雨施而後溝瀆皆盈水道通決乾坤有一
番新景象此義首重膀胱一經經云膀胱者
州都之官津液藏焉氣化則能出矣如人之
飲酒無算而不醉者皆膀胱之氣化而出也
臙中位于膈內膀胱位于腹中膀胱之氣化
則空洞善容而臙中之氣得以下運若膀胱
不化則腹已先脹臙中之氣安能下達耶然
欲膀胱之氣化其權在子葆腎腎以膀胱為

腑者也。腎氣動必先注于膀胱。膀胱屢動不已。膀胱脹滿。勢必連于胸膈。其窒塞之狀不可名言。腎氣不動則收藏愈固。膀胱得以清淨無為。而膈中之氣注之不盈矣。膈中之氣下走既捷。則不為牽引所亂。而胸中曠若太空矣。此論可為胸腹滿及痰飲症之金針。

Text on the left side of the page, appearing as a large, faded rectangular block. The characters are extremely faint and illegible.

Text on the right side of the page, appearing as a narrow vertical column. The characters are also extremely faint and illegible.

噎症

噎症多是氣虛中滿。誤服枳朴寬脹之藥。所致。屬實者少。屬虛者多。

噎症屬實者。其來必暴。有氣血。食飲寒熱。蟲之別。辨症詳於心腹九種之中。唯飲氣兩脇痛。有水氣。或嘔清冰。宜後三方。酌其虛實。加減用之。

備急丸

三十五

五積散四十

平胃散加減。照前血。臍加川芎。桃仁。五積。去甘草。加黃連。樞子。乾薑。或另服烏梅丸。四十九日。

臍病屬虛者。其來必漸。若氣喘。水氣盛者。宜黑錫丹。若腹大如箕。四肢消瘦。初因吐酸而起。後吞吐皆酸。宜附子理中丸。加黃連。若卑腹脹。初服劫奪之藥。少效。久用增脹。硬如鉄。

石昧者見之方謂何物邪氣若此之盛自明者觀之不過為猛藥所攻即以此身之元氣轉與此身為難首如驅良民為寇之比喻嘉言治有三法一曰培養宜朮附湯加乾薑陳皮一曰招納宜補中益氣湯加半夏一曰攻散宜桂甘薑棗麻細附子湯金匱枳朮湯三法分用互用可以救十中之三四

朮附湯

一百零五

補中益氣湯五

桂甘薑棗麻辛附子湯

金匱枳朮湯

俱出金匱方載醫訣

外有血臑症醫書俱云是婦人之病。唯喻嘉言謂男子恒有之。面色痿黃。有蟹爪紋路。脉雖虛極。而步履如故。多怒善忘。口燥便秘。胸緊脇脹。腹疼迨脹之既成。腹大如箕。遂不可救。東南最多。所以然者。東海擅魚。益之饒魚。

者甘美之味多食令人熱中塩者鹹苦之味其性偏於走血血為陰象初與熱合不覺其病日久月增中焦冲和之氣亦漸為熱矣氣熱則結而血不流矣于是氣居血中血裹氣外一似婦人受孕者然至彌月時腹如抱甕矣推而言之凡五方之膏梁厚味椒薑桂糝成熱中者皆其類也治之之法以六君子湯料加乾薑川芎防已為末以陳米荷葉煎湯

泛丸每服三錢。日兩服。夜一服。一月漸愈。此
執中央以運四旁法也。

六君子湯二

腫脹症以疏鑿飲子。舟車丸為禁劑。濟生腎
氣丸。脹症亦須慎用。

噎膈反胃

食不得入。昔醫名噎食。雖入咽。即帶痰涎吐
出。為膈。朝食暮吐。暮食朝吐。名翻胃。丹溪主
血液俱耗。噎為上稿。膈為下稿。以四物湯加
甘蔗汁。蘆根汁。牛乳之類。為主。薛立齋謂佛
鬱傷肝。以逍遙散。左金丸。歸脾湯。六君子湯
之類。與六八味丸間服。趙養葵克其說。而歸
於治腎。以內經謂腎乃胃之關。關門不利。升

降息矣。關即氣交之中天之區也。故腎旺則胃陰充。胃陰充則能食。以大劑六味湯八味湯為主。時賢高鼓峰楊乘六宗其法而變通之。專取陽明以六味湯去丹澤茯苓加甘草枸杞生地當歸。總使一水甘潤之藥以養胃陰。胃陰上濟則貴門寬。畏而飲食進。胃陰下達則幽門開。門滋潤而二便通。十餘劑可愈。人鏡經主內經三陽結謂之隔一語大變其

法。以。隔。食。之。人。五。七。日。不。大。便。陳。物。不。去。則。
新。物。不。納。以。三。一。承。氣。湯。節。次。下。之。後。用。芝。
麻。飲。啜。之。則。愈。此。數。法。皆。從。金。匱。大。半。夏。湯。
中。甘。瀾。蜜。水。得。來。而。却。遺。去。仲。景。以。半。夏。為。
主。而。降。衝。脈。之。逆。人。參。為。輔。而。生。既。亡。之。液。
之。義。學。者。必。於。此。而。得。其。悟。機。而。又。審。其。寒。
熱。虛。實。而。施。治。則。於。噎。膈。之。道。思。過。半。矣。至。
於。食。入。反。出。是。中。焦。土。寒。下。焦。火。虛。以。附。子。

理中湯。香砂六君子湯。加乾薑。八味地黃丸。
間服多效。○若食不得入。必以黃連黃芩人
參乾薑湯為主。瀉心湯亦妙。○瘀血在膈。飲
熱湯及食椒薑而呃者。宜加桃仁紅花之類。
○吳茱萸湯。不論噎膈反胃。皆可用。唯以嘔
而胸滿為的證。乾嘔吐涎沫頭痛亦為的證。
脈浮緩而滑。沉緩而長。皆可治。弦濇短小
為難醫。

藥方

四物湯九逍遙散四十左金丸八十歸脾湯

二十六君子湯二六味丸四十八味丸五十三

一承氣湯五十附子理中湯一百香砂六

君子湯三

治噎膈奇方

牛犬二灰散不拘黃牛水牛但遇有狗放屎於牛屎上連二屎共取和勻候乾封固每用

時方妙用 卷二 壹陽反胃

煨灰存性三錢。以好苦酒調服。後用真雲南
碁子一枚。男以白的。女以黑的。搗研極細。仍
用苦酒煨濃服之。

甘蔗飲取甘蔗去皮切錢。磁碗乘白米此少。
以水潤透米。將蔗錢放米內。仍用磁碗蓋定。
慢火蒸熟成飯。先取蔗錢與本人徐徐嚼咽。
蔗汁漫開喉嚨。即食此飯。為開膈之第一方。
即審症議藥。○二灰散不易得。先用此法。即

以黑白碁子繼之。再審症用藥以收全功。
一。膈症湯飲不入口。鍼合穀穴亦可開通。

治翻胃奇方

斗門方。用附子一箇最大者。

接近日附子宜以開水俟溫和

入附子。泡去鹽。

一日

二。換湯。泡三日。取晒。坐於磚上。四面著火。漸

逼碎。入生薑自然汁中。又依前火逼乾。復淬

之。約生薑汁盡。半碗許。搗羅為不用粟米飲

下一錢。不過三服。瘥。

續論

膈噎症。古今方法最繁。遵之亦不甚驗。已上論治。未免太簡。恐初學者領悟不來。正欲續論以暢其旨。適友人自安徽來。遺予以張心在附經一書。檢閱之下。深喜其讀書有得。可與共學適道也。雖識荆侯諸異日。而數千里神交。不啻同堂時晤對。請即以附經之原文。演為問答。未知心在以為

然否。

問曰噎膈初起。有食入打噎。而因不能下咽者。肺氣上逆。會厭不及蔽。而氣喉為之病。當用何藥。余曰。治以枇杷葉。百合。天門冬。半夏。阿膠。甘草。令治節行。則逆者順矣。然必佐以乾薑之開。五味子之闔。細辛之撥動。神機令咽喉二竅得順。其出入之常。遂無噎逆之患。非熟於仲景書者。不悟也。問曰。有食下如刀。

務草勃。胸痛畏食者。胃之上口內腫而食管
為之不利。當用何藥。余曰。金銀花。煮膏以米
飲調下。常服。或白水牛喉焙乾。研末佐之。以
金銀花能止痛消腫。且味甘而質潤。可滋胃
腕之陰性寒。而氣香。又除鬱熱之閉也。問曰。
每食必以飲送下者。胃中之氣不上。吸故食
不能自下。若非飲送。即見阻滯。應用何藥。余
曰。胃氣不能上吸。非人參之助胃。不可得食。

阻滯。非甘瀾水。和白蜜之潤。下不可。且其阻滯者。衝脈之為病。非半夏不能降。衝脈之逆。仲景大半夏湯甚妙。問曰。有將食時。必飲酒。而後能食者。胃氣鬱塞。不開。得酒之慄悍。而始通。應用何藥。余曰。宜平胃散料。加香附。麥芽。半夏。乾薑。白豆蔻。沙參。川芎。入羊肚內。蒸熟。晒乾。又易羊肚。如前法。三次。去羊肚。為末。以陳米湯送下。三錢。日二服。以辛藥開結。以

香藥醒脾而製法之妙化其霸氣方不傷其
陰氣經云陰者中之守也此方頗為合度問
曰有肝逆膽橫小絡相阨兩脅時痛食入不
犯肝膽之絡則下犯其小絡則土受木制不
能納穀而因吐者病由木鬱而土因之亦鬱
應用何藥余曰宜用小柴胡湯遵原定分數
折為小劑柴胡四錢半夏湯洗七次不可用
礬黃黃芩人參炙甘草生薑各一
錢五分大棗
二個水煎加紫蘇旁小梗整用生竹茹各

二錢。橘皮內筋膜。當歸鬚各一錢。補虛清火。解鬱通絡。配合得法。則各藥相得而益彰。自不同他方之泛泛也。問曰。有胃火自盛。食入則吐逆不已者。應用何藥。余曰。食物不得入咽。是火阻於上。宜用黃連黃芩之大寒。以瀉之。大苦。以降之。更用人參。以助胃。俾胃喜於納食。而急迎之入內。然必用乾薑大辛大熱。衝開其闕。方無拒格之患。四味等分煎服。仲

景得意之方也。如食既入咽。隨即吐出。是胃
素有熱。一得食物。為兩熱相衝。不能停留。而
即出。宜大黃四錢。甘草二錢。為釜下抽薪之
法。此與黃連黃芩乾薑人參湯。均是苦寒之
劑。而毫釐有千里之差。况寒熱之相反乎。問
曰。有朝食暮吐。完穀不化。必頃囊倒篋。盡淨
無存。而後快者。則食久反出。無火之謂也。應
用何藥。余曰。此症用溫補法。人人共知。每服

之而不效者有故。當辨其為中焦無火。與下焦無火。中焦無火有二。在陽明則胸滿。宜吳茱萸湯。在太陰則腹滿。宜理中丸。又恐此丸之過甘。則甘草不妨減半。恐其功之過緩。不妨加入萹撥。附子。吳茱萸。半夏。茯苓之類。勿泥定成法也。下焦無火亦有二。在厥陰則吐食而兼酸腐。亦宜吳茱萸湯。又以川椒。乾薑。肉桂。吳茱萸。附子。當歸。川練子。人參。沙參。研末。

棗湯泛丸。米飲送下三錢。一日二服。在少陰則吐食而煎水液。宜真武湯。倍生薑。或以斗門方峻補之。愈後宜腎氣丸。倍桂附以收功。又問已上諸症未至于槁。皆足以致槁。至口吐白沫。便如羊矢。津液枯竭。營衛不行。五臟不通。則食全不入而病不可為矣。未知先生尚有法可以救之否。余曰。津液即是真水。水由氣化。亦由火致。推其所以枯竭之故。非氣

虛不能化之。即火虛不能致之也。今人不明其理。以滋潤甘涼為生津養液。實所以涸津液之源。而速其死。仲景云乾嘔吐涎沫。吳茱萸湯主之。雖非為噎膈症立論。而聖言無所不包。少陽症火逆於上。其嘔有聲而不吐穀。名為乾嘔。若不吐穀。而但吐涎沫。名為乾嘔吐涎沫。此症食全不入。無穀可吐。亦是乾嘔。例津液生於穀。氣絕食則津液已枯。又吐出。

涎沫則津液遂竭。盡無餘。所以不能下滋腸胃。糞如羊矢。唯吳茱萸一湯。大辛以開其格。大苦以鎮其逆。大甘以培其中。且辛從甘以化陽。苦從甘以化陰。陰陽和而時雨降。頃刻間有萬里沃澤之景象矣。况又佐以人參之。大生津液。並以馴諸藥之性。宜其為起死之靈丹也。至於停痰瘀血。阻塞胃口。致食入之路滯碍者。為有餘之症。諸家之說。不無可採。

毋庸修園之再贅也。經又有上氣下虫之症。治以驟馬屎而未愈者。似可以烏梅丸繼之。言不盡意。亦視乎人之善悟而已。

卷之二
...

...

...

痰飲

水氣上逆得陽煎熬則稠而成痰得陰凝聚則稀而為飲皆以脾腎二經為主以水歸於腎而受制於脾也金匱以痰飲懸飲溢飲支飲分四飲後人加留飲為五飲不知留飲即痰飲也唐宋以後名色愈多而治法愈亂茲舉數方為扼要之法

凡痰脈多應於滑脈沉而弦者主懸飲

時方少用一

內痛

一痰飲諸方以二陳湯為通劑茲加減法做金匱之意故取效倍於諸家

二陳湯八

久嗽氣短加桂枝一錢五分白朮二錢此從水道以化氣也或與腎氣丸互服停飲脇痛加白芥子一錢五分前胡二錢四肢腫身體疲重加生黃芪三錢防已二

錢。

欬逆倚息。氣短不得卧。加木防已三錢。桂枝人參各一錢五分。水煎好。入芒硝八分服。

心下有支飲。其人苦眩冒。加澤瀉四錢。白

朮二錢。

咳漱不已。加乾薑細辛五味子。

已上俱做金匱意加減。

火痰。加海粉、瓜蒌仁、黃芩、海石。○寒痰。加
乾薑、附子。○風痰。加製南星、天麻、竹瀝、薑
汁。○燥痰。加天冬、玉竹、瓜蒌仁。○濕痰。加
白朮、蒼朮。○鬱痰。加川芎、貝母、香附、連翹。
○虛痰。加人參、白朮。○實痰。加旋覆花、枳
實。○食痰。加萊菔子。

二 實熱老痰。變出怪症。不可名狀。宜

礞石滾痰丸。

六十三

宜

一中腕留伏痰飲臂痛難舉手足不得轉動

指迷茯苓丸

四六十

按痰飲之病最多。胸脇疼、嘔逆、神識不清、及手足臂痛、皆是大抵痰為陽邪、隨氣所到、其症變幻無常。凡苦辛酸鹹及竹瀝薑汁、童便、皂角、芒硝之類、隨症可加入。亦有虛者宜六君子湯、桂苓甘朮湯、腎氣丸、真

武湯小半夏倍加茯苓湯等以扶元氣。為陰邪唯停于心下。脇下為脹。為咳。為悸。為眩。胃及溢於皮膚而為腫。必以桂苓朮。附加生薑汁之類。使離照當空。而群陰方能退避。若以地黃麥冬五味。附和其陰。則陰霾冲逆。肆空飲邪。滔天莫救矣。

咳嗽

咳嗽症方書最繁。反啓人多疑之感。其實不外

虛實二症。實者外感風寒而發。虛者內傷精
氣而生也。總不離乎水飲。金匱以小青龍湯
加減五方。大有意義。小柴胡湯自註云。咳嗽
去人參。加乾薑。五味子。人多順口。讀過。余於
此悟透。全書之旨。而得治咳嗽之秘鑰。因集
溢未詳。大為恨事。向著有金匱淺注等十種
言之不厭。於複業斯道者。請鑒予之苦心焉。

實症方

一外感風寒內挾水飲必咳嗽不已。兼見頭
痛發熱惡寒等症。若外感重者宜香薷飲。
加杏仁防風各二錢。半夏乾薑各一錢五
分。五味子搗扁。細辛各八分。水煎服。溫覆。
取微汗。外感輕者宜二陳湯。加細辛乾薑
五味子杏仁前胡。若二症面目浮腫。俱
加桑白皮三錢。葶藶子八分。微炒研末調
服。

香薷飲三五

二陳湯八

一外感風寒咳嗽頗久每發兩脇牽痛發熱者或寒熱往來者宜

逍遙散倍柴胡加半夏乾薑各一錢半五

味子一錢四十

一夏月傷暑咳嗽自汗口渴小便赤短宜

六一散滑石六錢甘草一錢加乾薑細辛

五味子各一錢水煎服

二五十一

一秋間傷秋金燥氣皮毛洒浙惡寒寒已發熱漸生咳嗽咳嗽不已漸至瀉利宜

瀉白散二劑合為一劑去粳米加黃芩阿膠各一錢五分乾薑一錢五味子細辛各五分水煎服此方加減庸醫必駭其雜能讀孫真人書者方知從五味子湯麥門冬湯二方得來也

六十八

已上咳嗽治之失法多至吐血癆傷

虛症方

一勞傷之人土氣日虛不能生金每致咳嗽
惟補其中土則百病俱愈宜

六君子湯加乾薑一錢五分五味子細辛
各八分水煎服方中雖有人參久咳肺燥
之人不忌也二

一久嗽不已時見喘促者是肺腎俱虛天水

不交之症宜

附子理中湯加茯苓四錢細辛五味子各

八分阿膠天門冬各三錢

寒一百七

一咳嗽雖為肺病其標在肺其本在腎腎具

水火水虛者滋之宜猪苓湯服四五劑後

即服六味地黃丸加蛤蚧麥冬五味火虛

者溫之宜真武湯去生薑加乾薑細辛五

味子四五劑後即服桂附地黃丸數方俱

以○利○水○為○主○若○讀○張○景○岳○書○葦○必○謂○補○腎○
不○可○利○水○求○正○錄○中○有○實○漏○卮○之○喻○而○不○
知○咳○嗽○必○挾○飲○邪○標○在○肺○而○本○在○腎○天○不○
連○地○而○連○水○也○今○于○水○道○一○利○則○上○于○之○
水○飲○亦○必○下○行○源○流○俱○清○咳○嗽○自○愈○經○云○
上○焦○如○霧○中○焦○如○漚○下○焦○如○瀆○但○得○三○焦○
氣○化○水○道○通○決○則○雲○行○雨○施○乾○坤○有○一○番○
新○景○象○矣○

一經云。肺惡寒。又云。形寒飲冷。則傷肺。仲景不用人參。以參之性微寒也。然此為新病而言。若久嗽之人。肺必乾燥。且以多咳而牽引諸火。而刑金。人參又為要藥。如病在金臟者。宜清燥救肺湯。如病在水臟者。宜瓊玉膏。

一實症不可妄用虛症諸方。恐留邪為患也。而虛症定不可廢實症諸方。以咳嗽必有

所。以。致。之。者。期。其。得。病。之。由。而。治。之。即。治。
本。之。法。也。

本

...

喘促

喘者氣上衝而不得倚息也。有內外實虛四
症。宜與痰飲咳嗽參看。外則不離乎風寒內
則不離乎水飲。實則為肺脹虛則為腎虛。宜
分別治之。

脈宜浮滑。忌短澹。

一外感風寒及傷暑傷燥。方治詳於咳嗽門
不贅。

一水飲之病小青龍湯為第一方。若支飲內
痛亦可暫用十棗湯。如因支飲滿而氣閉，
氣閉則呼吸不能自如。宜用葶藶大棗瀉
肺湯。令人畏不敢用多，致因循誤事。

一咳而上氣為肺脹。其人喘目如脫脈浮大
者用麻黃三錢。生石膏四錢。半夏二錢。甘
草一錢。生薑一錢五分。大棗二枚。水二杯。
半。先煮麻黃去沫。入諸藥煮八分。服日二

服即愈。名越脾加半夏湯。或咳嗽甚而
煩躁者。小青龍加生石膏四錢。

一腎虛氣喘。方治詳於咳嗽門。不贅。

一黑錫丹。為氣喘必用之藥。宜預製之以備
急。

一喘症起於七情氣逆者。宜四磨飲起于痰
喘脹滿者。宜蘇子降氣湯。二方為喘症之
良方。

四磨飲

九二十

蘓子降氣湯

七二十

一 聖濟總錄云。枸杞湯治氣短。方用枸杞四錢。薑棗水煎服。又云。紫蘓湯治卒氣短。方用紫蘓四錢。陳皮一錢。棗二枚。水酒各半煎服。按二方同治氣短。何以彼此懸殊。而不知一治肺。一治腎也。肺主出氣。皮毛為肺之合。風寒客于皮毛。則肺之竅道閉。

竅道閉則出氣不利而然故用紫蘇陳皮
之辛以開之書中辛字一字大有意義腎
主納氣腎虛則吸氣不能歸根而短故用
枸杞之補腎精以填之與八味地黃丸同
意但任專則效速所以舍彼而用此也
一過服辛燥等藥端促愈盛者可用貞元飲
然為緩劑若痰多喘甚者大忌之
一喘氣諸家之說最雜近有張心在之論深

合鄙意。余所以數千里而掉交之也。心在
云。喘氣。喘在口也。鼻息出入氣。未始不至
於口。而專在口。則喘矣。天氣通于鼻。一呼
一吸。吐故而納。新泉順其宗。則出心肺而
入肝腎脾。岩中而轉還。此句最精。可以悟出絕妙治法。何
喘之有。唯鼻失其職。或肺壅。或寒不能上
達其氣。復返心脾。而出于口。或肺虛力弱。
不能下引其氣。止到心脾。而出於口。則喘

作焉。皆肺之過也。至若氣短。症鼻氣有出
無入。能呼而不能吸。則責在肝腎之絕。肺
不任答矣。

哮喘症

聖濟總錄名呷嗽咳而胸中多痰結于喉間。偏與氣相擊隨其呼吸呀呻有聲用射干丸其方用射干半夏陳皮百部款冬花細辛乾老薑五味子貝母茯苓郁李仁各一兩。皇英刮去皮子炙五錢。共為末。蜜丸。桐子大。空心以米飲下三十九。一日兩服。

脈喜浮滑 忌短瀼代散

愚按哮喘之病寒邪伏於肺俞痰窠結于肺膜內外相應一遇風寒暑濕燥火六氣之傷即發傷酒傷食亦發動怒動氣亦發勞後房勞亦發一發則肺俞之寒氣與肺膜之濁痰狼狽相依窒塞關溢不容呼吸而呼吸正氣轉觸其痰軒動有聲非泛常之藥所能治故聖濟用前方之峻然體實者可用若虛弱之人宜用六君子湯料十兩加貝母二兩共研

末以竹瀝四兩。生薑汁一兩。和勻拌之。又拌
又晒以九次為度。每服三錢。開水送下。以竹
瀝薑汁可以透窠囊也。然內之濁痰蕩滌。雖
為得法。又必於潛伏為援之處。斷其根株。須
用各家秘傳諸穴灸法。如畏灸者。宜於夏月
三伏中。用張路玉外貼藥末。余家傳有哮喘
斷根神驗藥散。其方載於
修園新按八麝五分。薑汁調
塗肺俞膏。百勞等穴。塗後麻贅疼。痛切勿

便去。候三柱香足。方去之。十日後塗一次。如此三次。病根去矣。哮喘辨症方治。俱詳痰飲咳嗽喘促三門不贅。

心腹諸痛

心為君主之官。一痛手足青至節不治。俗謂心痛者。廼心胞絡痛。或胃腕痛也。昔人分為九種。宜辨而治之。一曰氣痛。脈沉而澁。廼七情之氣鬱滯所致。

宜

七氣湯

微溫
五十四

百合湯

微涼
九十三

一曰血痛脈浮沉俱滿其痛如刺不可按捫
或寒熱往來大便黑宜

失笑散

五十
八

三一承氣湯

五十四。此方雖攻而痛甚
便閉拒按者不得不用之加

桂枝桃仁
各三錢

一曰痰痛即飲痛脈滑咳嗽痛連脇下或逆

走無定宜傷寒十棗湯但此方近醫膽識

不及不敢用宜

藥料

二陳湯

八十二。加白芥子一錢五分。皂角炒紫五分。瓜蒌三錢。

滾痰丸

六十三。諸藥不效。大便閉者可增用之。

一曰火痛脈數而實。口渴面赤身熱便秘。其

痛或作或止宜

金鈴子散九寸

丹參湯九寸

百合湯九寸

或用槐子炒熟四錢。良薑二錢。研末名越

桃散。温酒送下。

加味道遥散。送下。左金丸二錢。

一曰冷痛。脉逢而微細。手足俱冷。其痛綿綿不休。宜附子理中湯。加當歸肉桂木通吳茱萸。

一曰虛痛。即悸痛。脉虛細小。或短澀。心下悸。喜按。得食少愈。二便清利。宜歸脾湯。加石菖蒲一錢。二十一。

當歸補血湯。加肉桂一錢五分。六

一曰注痛入山林古廟古墓及感一切異氣而痛。語言錯亂。其脈乍大乍小。兩手若出兩人。宜乎胃散。加藿香二錢。木香一錢。調麝香七厘服。以香者天地之正氣也。正能勝邪。

一曰蟲痛。脈如平人。其痛忽來忽止。聞肥甘之味更痛。聞食而虫按摩稍止。虫驚而唇

頭上昂

按摩稍止

虫驚而唇

紅舌上有白花點宜

附子理中湯去甘草加烏梅三枚。川椒黃
連各一錢五分。黃栢肉桂當歸各一錢。水
煎服。愈後宜服烏梅丸。

一百零七

一曰食痛脈寔而滑。噯腐吞酸。惡食腹脹。其
痛或有一條扛起者宜

平胃散加麥芽。藜蘆。山查。半夏各二錢。服
甚者再加萊菔子生研三錢。水煎服如初

病食尚在腸中。服此湯後。即以手探吐之。
如腹脹滿。拒按大便不通。宜三一承氣湯
下之。十八

又按已上九痛。流傳已久。不可不知。而高士
宗醫學真傳。分各部用藥。其法甚捷。今重
訂而節錄於左。
一當心之部位。而痛。俗云心痛。非也。乃心胞
之絡。不能旁達于脈。故也。宜

香薷飲加當歸四錢。元胡索木通各一錢。
桂枝二錢。酒水各半煎服。紫蘇須用旁小
梗。整條不切碎。更能通絡。三五十
一。心脈之上。則為胸膈胸膈痛。乃上焦失職。
不能如霧之溉。則胸痺而痛。宜

百合湯半劑。加瓜蒌皮貝母各三錢。薤白

八錢。白豆蔻一錢五分。水煎服。三九十

一。胸膈之下。兩乳中間。名曰膺胸。膺胸痛。乃

肝血內虛氣不充於期門致衝任之血從
膺胸而散則痛宜

丹參飲半劑加當歸五錢白芍金銀花各

三錢紅花川續斷各一錢酒水各半煎半

一膺胸之下則為中腕中腕作痛手不可近

乃內外不和外則寒氣痠于毛皮內則垢

濁停于中腕當審其體之虛實而施治莫

若以燈當痛處爆十餘點則寒結去而內

外通便不痛矣。若爆後痛仍不止。實者宜
五積散。虛者宜加味香薷飲。

五積散

二十四

香薷飲。加桂枝芍藥當歸各三錢。細辛木
通各一錢五分。吳茱萸二錢。水煎服。方中
紫蘓生薑細辛桂枝以驅外之凝寒。吳茱
萸陳皮木通以降內之濁垢。歸芍香附甘
草和其氣血。安其中外。頗合古法。若虛甚

者去紫蘓。加黃芪三錢。汗多者再加熟附

子一錢五分。

一中脘之下當陽明胃土之間。

銅人圖中脘

里時痛時止乃中土虛而胃氣不和若服

行血消洩之劑過多便宜溫補但以手重

按之則痛稍平此中土內虛虛而且寒之

明驗也宜

香砂六君子湯加乾薑二三錢三

附子理中湯一百

一乳下兩旁胸骨盡處痛者乃上下陰陽不和少陽樞轉不利也傷寒病中多有此症當助其樞轉和其氣血上下通調則愈矣

宜

道遙散倍柴胡加生薑一錢五分四十

一大腹痛者乃太陰脾土之部痛在內而緩中土虛寒也

宜理中湯
倍人參

痛兼內外而急脾

絡不通也。宜理中湯蓋脾之大絡名曰大

包。從經隧而外出於絡脈。今脾絡滯而不

行。則內外皆痛。理中湯倍乾薑服之不應者再加肉桂一錢五分。木

錢一太陽篇云。傷寒陽脈濇。陰脈弦。法當

腹中急痛。先與小建中湯。不瘥者。與小柴

胡湯。此先補益於內。而後樞轉於外也。

一。臍旁左右痛者。乃衝脈病。衝脈當臍左右

若為寒氣所凝。其衝脈之血不能上行外

達則當臍左右而痛。當用血分之藥。使胞中之血通達肌表。若用氣藥無裨也。宜當歸四逆加生薑吳茱萸湯。水酒各半煎服。或用。

四物湯。去地黃。加肉桂一錢。生黃芪。生薑各三錢。炙甘草。紅花各一錢。水酒煎服。二臍中痛不可忍。喜按者。腎氣虛寒也。宜通脈四逆湯。加白芍三錢。若脈沉實。口中熱。

渴腹滿拒按大便秘是有燥屎宜

三一承氣湯

四五十

一臍下痛者乃少陰水臍太陽水府不得陽熱之氣以施行致陰寒凝結而痛少陰水臍虛寒用真武湯溫之太陽水臍虛寒用桂枝湯加熟附子茯苓溫之○按士材必讀云臍上痛屬脾臍下痛屬肝當臍痛屬腎此臆說也不可從又臍下痛有火逼膀胱

耽小便不利而痛者宜五苓散亦有陰虛
陽氣不化小便點滴俱無脹痛者宜通關丸
有燥屎者辨法方治見上條

通關丸

五十

一小腹兩旁謂之少腹少腹痛乃厥陰肝臟
之部又為胞中之血海蓋胞中之水主于
少陰胞中之血主於厥陰也痛者厥陰肝
氣不合胞中之血而上行也肝臟不虛者

當疎通以使之上宜香薷飲加柴胡三錢

葉三肝臟虛者當補益以助其下宜烏梅

湯送下二錢蓋厥陰不從標本從中見少

陽之氣使厥陰上合乎少陽則不痛矣

一兩旁季脇痛者肝氣虛也當歸四逆湯加

去白米加當歸兩脇之上痛者少陽之

米與烏梅丸互服胡湯去

氣不和也宜小柴胡湯去時法用左金丸

愚按凡心腹諸痛宜辨其內之脹與不脹便

之閉與不閉。脈之有力與無力。口中熱。口
中和。痛之久暫。以辨寒熱邪正虛實。如痛
而脹且閉者。厚朴三物湯。攻裏兼發熱者。
厚朴七物湯。兼表裏治之。腹痛連脇痛。脈
弦緊惡寒甚。大便秘者。大黃附子湯。主之。
若但脹而便不秘者。是實中之虛。宜厚朴
半夏人參生薑甘草湯。腹痛甚而不可觸
近。嘔吐者。大建中湯。主之。雷鳴切痛。嘔吐。

者附子粳米湯主之。腹痛下利而脈者通脈四逆湯主之。腹痛吐瀉者理中湯主之。若繞臍疼痛名寒疝。腹中疝痛者當歸生薑羊肉湯主之。皆起死回生之法。時醫不講久矣。予著有金匱淺注十六卷。醫訣三卷。辨之頗詳。宜查對勿誤。

Vertical text on the right edge, possibly a page number or title, including characters like 日, 月, 年, 月, 日.

Large rectangular area on the right side of the page, mostly blank or containing very faint, illegible text.

Main body of the page containing several columns of extremely faint, illegible text, likely bleed-through from the reverse side of the paper.

痛風

肢節走痛。內經謂之賊風。後人謂之痛風。又謂之白虎歷節風。宜審其寒熱而治之。

脈宜浮數。忌虛弱。

一痛風脈浮緊。頭痛惡寒發熱。為新受之邪。

宜

五積散 四寸

一治風先治血。血行風自滅。宜

四物湯加生黃芪防風桂枝秦元桑枝紅
花炙甘草主之九

一痛風久不能愈必大補氣血以為勝邪之
本切不可徒用風藥宜

十全大補湯諸藥各一錢加真桑寄生三
錢為君再加附子防風竹瀝生薑汁為佐
使十一

一痛風久不愈以痛久必入絡也諸方俱宜

加入金銀花木通紅花釣藤鈎刺蒺藜之類。○又痛久則鬱鬱而為熱。熱則生痰。必加入製南星半夏括樓根黃柏貝母竹瀝薑汁之類。○又桑寄生虎骨俱為要藥。以桑為箕星之精。風從虎之義也。○久服辛熱之藥不效者。宜用玉竹黑芝麻直僵蠶生芪歸鬚菊花蒺藜阿膠炙草之類。為柔潤熄肝風法也。

Text in the left column, appearing as faint bleed-through from the reverse side of the page. The characters are mostly illegible due to fading and the texture of the paper.

Text in the right column, also appearing as faint bleed-through. The characters are mostly illegible due to fading and the texture of the paper.

痺

痺者閉也。風寒濕雜至，合而為痺。與痛風相似，但風則陽受之，痺則陰受之。雖內經痺論，風氣勝者為行痺，寒氣勝者為痛痺，濕氣勝者為着痺。之分，而深究其源，自當以寒與濕為主。蓋以風為陽邪，寒與濕為陰邪。陰主閉，閉則鬱滯而為痛。是痺不外寒與濕，而寒與濕亦必假風以為之帥。寒曰風寒，濕曰風濕。

此三氣雜合之說也。內經壽夭剛柔篇曰：在陽者命曰風，在陰者命曰痺。以此分別，則兩症自不混治矣。若胸痺及臟腑諸痺，又當別論。醫門法律分別甚詳，宜參閱之。

一痺症之實者宜

五積散

四十一

一 金匱治血痺脈陰陽俱微寸口關上微尺
一 中小緊外症身體不仁如風寒狀用黃芪

五物湯黃芪芍藥桂枝各三錢生薑六錢
大棗四枚水煎服一日三服愚謂為痺症
屬虛者之總方



Vertical text columns on the right side of the page, including a large character '老' (old) and other smaller characters, possibly a page number or title.

腰痛

一內經云太陽所至為腰痛其痛為外感宜

五積散八十四

一內經云腰者腎之府轉移不能腎將憊矣

其痛為腎虛宜

六味丸十四治

八味丸十五治

二方俱加杜仲牛膝鹿茸

補骨脂之類

一瘀血作痛其痛如刺。輕者以鹿角炒為末。酒調服三錢。重宜。

三一承氣湯去枳朴加桂枝附子桃仁各

二錢。

四五十

一督脈為病。脈尺寸中央俱浮。三部直上直

下。宜鹿茸一兩肉桂一錢水煎服。

一帶脈為病。關左右彈。主腰溶溶如坐水中。

宜。

腎着湯。

四八十

一曰。朮一味。補脾。即所以驅濕而補脾。又所以輸精及腎。且能利腰臍之死血。余遇腰痛症。服藥不愈者。每用一兩。佐以牛膝三錢。淫羊藿五錢。以治水虛。神農本草經謂淫羊藿性寒。今人不明此理。佐以附子三錢。當歸肉桂各一錢。五分。杜仲五錢。以治火虛。佐乾薑二錢。以治寒濕。佐苡仁五錢。

以治濕熱其效如神。

用升

三